



Da la suprastanza cumünela

Constituziun suprastanza cumünela

La suprastanza cumünela s'ho constituieu nouv cun segauints müdamaints : Il decasteri da fabrica, stabels cumünels cun agricultura ho surpiglio Mario Mammoliti. Eir es gneiu tschernieu Mario Mammoliti scu nouv suppleant dal decasteri planisaziun, ambiaint e trafic.

Halla da glatsch regiunela

La suprastanza cumünela ho piglio cugnuschentscha da la carta da la regiun Malögia in connex cul iniziativa d'üna halla da glatsch regiunela. La dumanda es gneiu fatta da fer üna proposta per il lö dal fabricat da quist proget. La suprastanza cumünela ho piglio pusiziun in möd positiv.

Analisa da privels per la vschinauncha da S-chanf

Las duos vschinaunchas S-chanf e Zuoz prevezzan üna collavureschan per elavurer üna analisa da priewel per il territori da S-chanf e Zuoz insembel. Quista dumanda vegn suottamis al la radunanza cumünela dals 31.01.2018

Gigathlon 2018

La suprastanza cumünela ho piglio cugnuschentscha da la dumanda da passagi sül territori da la vschinauncha da S-chanf per pudair fer il Gigathlon 2018.

Contrat da fundaziun chesa da fliamaint Promulins

Fundaziun – societad simpla traunter las vschinaunchas d'Engiadin'Ota, per realiser la nouva chesa da chüra Promulins. Tenor punct 8 da la cunvegna as schoglia il contrat da fundaziun zieva la realisaziun da la chesa da chüra. Que es l'an 2022. La suprastanza cumünela apruvescha il contrat da fundaziun da la chesa da fliamaint Promulins

Revisiun parciela constituziun

La cumischiun propuona üna revaisa parziela da la constituziun cumünela.

Per fer ün müdamaint illa constituziun cumünela es necessari da fer üna votaziun a l'urna. Il böt es da preschanter ils müdamaints illa radunanza cumünela dals 31.01.2018 e da fer la votaziun il medem mumaint scu la votaziun federela ils 4 marz 2018. . La suprastanza cumünela decida unanim d'aderir a la proposta da la cumischiun da ledschas e da suottametter quista tractanda a la radunanza cumünela.

Lingia d'ova potabla traunter Zuoz e S-chanf

Per realiser quist proget surdo la vschinauncha da S-chanf la pusiziun da la direcziun a la vschinauncha da Zuoz. La suprastanza cumünela da S-chanf vegn infurmo periodicamaing. Ils cuosts da quist proget vegnan spartieu sü süllas vschinaunchas a medemas parts.